

PERATURAN ADAT DAN
SYARAK DI DALAM
WILAYAH TUNKU BESAR
TAMPIN

PERATURAN ADAT DAN
SYARAK DI DALAM
WILAYAH TUNKU BESAR
TAMPIN N.S.

&

STRUKTUR ADAT PERPATIH
DATO' PENGHULU
PESAKA KERU



Peraturan Adat dan Syarak Di Dalam Wilayah, Tunku Besar Tampin. N. S.

Bismillahirrahmanirahim, dengan izin Allah Taala dan telah diperkenankan oleh Yang Maha Mulia Tunku Besar Tampin, satu ketetapan telah dipersetujui dalam mesyuarat Dato' Penghulu Pesaka (wilayah YAM, Tunku Besar Tampin) dan Dato' Lembaga, orang-orang Besar Balai serta Tuan-tuan Pegawai Syarak yang telah diadakan pada 16hb Mac 1980, bersamaan 28 Rabiulakhir 1400SH, bertempat Di Balai Tunku Besar Tampin telah berkebulatan dan bersetuju menaikkan Wang Adat Perkahwinan dan lain-lain. (Di dalam Wilayah Tunku Besar Tampin) iaitu Hakim-hakim Tampin Tengah, Repah, Keru dan Tebong seperti yang dinyatakan di bawah ini:-

1. ADAT PERKAHWINAN TUNKU PUTERI YAM, TUNKU BESAR TAMPIN.

- Adat Pertunangan 7 bentuk Cincin Emas dan Berlian.
- Adat Perkahwinan..... Emas setalam dan Perak setalam
(berbentuk jenis-jenis barang perhiasan)
- Mas Kahwin (Mahar)..... Wang tunai sebanyak \$250.00.
- Persalinan..... Pakaian Sepersalinan yang lengkap (bagi
Tunku Puteri)
- Sebuah Tapak Sirih
(Peminang) Disediakan dengan secukupnya.
(Kesemua barang-barang tersebut
itu hendaklah di atas dan ditutup dengan
Kain Kuning Diraja)

2. WANG ADAT PERKAHWINAN YANG LAIN-LAIN.

	ADAT	MAKANTUA	MAS KAHWIN	JUMLAH
a) Anak Penghulu (Penghulu Pesaka)	\$180.00	\$21.00	\$ 50.00	\$251.00
b) Anak Waris	\$150.00	\$15.00	\$50.00	\$215.00
c) Anak Orang Besar Penghulu	\$130.00	\$15.00	\$50.00	\$195.00
d) Anak Orang Besar (Balai)	\$130.00	\$15.00	\$50.00	\$195.00
e) Anak Lembaga	\$130.00	\$15.00	\$50.00	\$195.00
f) Anak Telapakan Lembaga	\$130.00	\$15.00	\$50.00	\$195.00
g) Anak Buah	\$120.00	\$15.00	\$50.00	\$185.00

3. KADAR PEMBAHAGIAN CUKAI PINTU DAN PEMEGANG PENGANTIN

	Adat Ambak Pintu	Adat Pemegang Pengantin	Jumlah
a) Anak Penghulu	\$12.00	\$18.00	\$30.00
b) Anak Waris	\$10.00	\$14.00	\$24.00
c) Anak Lembaga dan Lain-lain yang serupa	\$8.00	\$12.00	\$20.00

4. MENJALANKAN ADAT DAN ISTIADAT PERKAHWINAN PUTERA DAN PUTERI YAM, TUNKU BESAR TAMPIN.

- Kesempurnaan Adat dan Istiadat Perkahwinan dijalankan bersama oleh Dato'-Dato' Penghulu Pesaka yang empat dan Adat Pemakanan Tuanya ialah, sebanyak Sebahara Besar.
- Orang-orang Besar Balai bersama membantu bagi menjalankan Adat dan Istiadat itu, Pemakanan Tuanya ialah sebanyak Sebahara Kecil.
- Majlis Istiadat bernikah dan sebagainya itu dijalankan bersama oleh keempat-empat Tuan Imam di dalam Wilayah Tunku Besar Tampin. (di atas persetujuan YAM, Tunku Besar Tampin sendiri)

- Adat Ambat Pintu dan memegang Pengantin mengikutlah seperti yang telah diadakan. (pilih mana-mana yang sesuai)

(kesemua perbelanjaan tersebut itu hendaklah dituntut pada sebelah petang hari berkenaan semasa menuntut adat itu)

- Takrifnya Sebahara Besar ialah \$28.00 dan Sebahara Kecil ialah satu bahara iaitu sebanyak \$14.00.

5. BAHAGIAN AKAD NIKAH

- Mengikut kadar yang telah dijalankan ialah sebanyak \$35.00 iaitu:

- i. Pendaftaran \$3.00
- ii. Derma pada Masjid.....\$5.00
- iii. Untuk Pegawai yang Bertugas.....\$27.00

6. LAIN-LAIN PERATURAN YANG TELAH DIADATKAN.

- Jika menurunkan adat untuk pergi berkahwin atau bertunang, maka hendaklah Tuan Rumah itu (waris) mengisikan adatnya sebanyak \$15.00 untuk Lembaganya yang mengetuai Institusi itu.
- Jika menerima (pihak laki-laki) kedatangan itu tiada memakai Tua Istiadat maka hendaklah dituntut “Adat Dagang” padanya sebanyak \$15.00 dan juga hendaklah Lembaga bagi pihak perempuan itu mencarikan Tuanya yang layak sebagai ganti bagi menyempurnakan Istiadatnya itu.
- Berarak dan Bertutur:
 - a) BERARAK: Disyaratkan mengikut Adat dan Istiadat sukurang-kurangnya hendaklah menyembelih seekor kambing, dan masa berarak itu bolehlah dijalankan selepas Akad Nikah dengan iringan Rebana, Kompang atau Hadzhar.
 - b) BERJULANG:-
Apabila menyembelih kerbau bolehlah kedua-dua Pengantin itu diarak dan dijulang, ataupun dengan menyembelih seekor lembu dan di lapik (ditambah) dengan menyembelih seekor kambing, maka bolehlah juga diarak dan dijulang.
 - c) Pembahagian Istiadat berjulang itu ialah mengikut kadar \$2.00 bagi tiap-tiap seorang yang bekerja itu (mengikut RAMAI yang

dikehendaki)pembayaran ini hendaklah dituntut bersama kedua pihak yang berkenaan iaitu pihak laki-laki dan juga pihak perempuan.

7. KESIAPAN PEMAKAIAN ADAT DAN ISTIADAT

- a) Sebelum DLEK di tatang (menjalankan Adat dan Istiadat) bagi pihak Lembaga atau Tuannya hendaklah menyediakan dan memasang Kain Tabir dan Langit-langit, Tilam Pandak, dan Bertapak Sirih bagi kesiapan Di Pangkal Serambi. (untuk menyempurnakan hal-hal Adat dan Syarak serta penerimaannya.
- b) Tempat kedudukan YAM, Tunku Besar Tampin dan Ketua-ketua Adat serta Tuan-Tuan Pegawai Syarak yang lain hendaklah di silakan pada tempat yang tersebut itu dengan dilayani oleh Tua Olek atau wakilnya yang faham dan menyediakan sekurang-kurangnya Sebuah Tudung Hidangan yang sempurna.
- c) Membuat Pelamin:-
 - Takrifnya :- Tempat Pengantin Bersanding di buat bertingkat-tingkat.
 - a) Anakanda Tunku Besar Tampin 7 tingkat.
 - b) Anak Dato' Penghulu 5 tingkat.
 - c) Anak Waris 3 tingkat.
 - d) Anak Datuk Lembaga 2 tingkat.
 - e) Anak Buah 1 tingkat.

(dikehendaki duduk bersila dan berselimpuh)

- Jika keadaan bilik rumah itu kecil dan sempit maka bolehlah dibuat Pelamin itu di serambi atau menggunakan kerusi sahaja. Tempat kedudukan YAM, Tunku Besar Tampin Ketua-ketua Adat dan Tuan-tuan Pegawai Syarak yang lain itu bolehlah dibuatkan KHAS pada tempatnya yang sesuai.
- Sesuatu OLEK yang berhak di buat itu maka hendaklah Lembaga atau Tua Olek itu menjemput hadir bersama-sama Dato' Lembaga dan Ketua-ketua Adat serta Tuan-tuan Pegawai Syarak ditempatkan itu supaya datang bersama-sama menyaksikan dan meramaikan Majlis yang dijalankan itu. (Jemputlah dengan cara berperaturan).

8. ADAT MELANGKAH BENDUL (Pihak Perempuan).

Adat ini hendaklah dituntut pada sebelah pihak laki-laki bagi mengisikannya iaitu: Cincin Emas sebetuk, Pakaian perempuan Sepersalinan dan Wang Adat sebanyak \$7.20 untuk iringan pada Adat Istiadat yang hendak diterimanya itu.

9. PEMBAHAGIAN SEDEKAH ADAT (Masa meninggal dunia)

Telah dipersetujui pembahagiannya itu mengikut kiraan Suku Muda iaitu kadar 12 sen bagi sesuku.

- a) YAM, Tunku Besar Tampin..... 12 suku.
- b) Dato' Penghulu Pesaka..... 6 suku.
- c) Datuk Lembaga..... 14 suku.
- d) Orang-orang Besar Balai..... 3 suku.
- e) Orang-orang Besar Penghulu..... 3 suku.
- f) Datuk Pawang..... 3 suku.

(Pembahagian hendaklah dibungkus Dua iaitu untuk suami-isteri)

10. Segala bentuk upacara nikah kahwin yang tidak mengikut adat yang telah diadatkan adalah menjadi satu kesalahan pada segi adat:-

- Bagi penduduk Tempatan dan orang-orang yang datang tinggal di tempat itu hendaklah ia mengikut segala Adat dan Istiadat yang telah disediakan pada tempat itu kerana mengikut perbilangan Adat: Di mana bumi di pijak, di situlah langit dijunjung.
- Mereka yang enggan dan ingkar memakai Adat dan Istiadat itu maka tidaklah boleh ia membuat akad nikah di rumahnya sendiri melainkan diminta bagi pihak Tuan-tuan Pegawai Syarak yang berkenaan supaya dapat bekerjasama bagi mengarahkan mereka itu membuat akad nikah di masjid atau di surau sahaja, kemudian di rumahnya itu tidak boleh dibuat Istiadat Berarak hanya kenduri biasa sahaja. (Perkara yang seumpama ini diberitahu dahulu kepada Tuan-tuan Pegawai Syarak yang berkenaan di situ, supaya dapat mengambil tindakan.
- Waris perempuan atau orang semenda tidak boleh menjadi Tua atau Lembaga di dalam menjalankan kerja Adat Perpatih Nikah Kahwin. Jika Tua atau Lembaganya tidak dapat hendak membuat Olek anak buahnya itu maka bolehlah Tua atau Lembaga dari suku lain (yang berhampiran rumah) bolehlah menjadi wakil bagi menjalankan hal-hal Adat dan Istiadat tersebut itu dan segala pembayaran makan tua yang telah diadatkan itu hendaklah diberikan padanya.
- Menumpang Tua sahaja adatnya ialah sebanyak \$7.80. (untuk sekali Olek sahaja)
- Merekap, adatnya ialah sebanyak \$7.20 dan sebuah Nasi Kuntit. (untuk kekal selama-lamanya)
- Berkadim (Adat dan Pesaka) adatnya sebanyak SEBAHARA BESAP iaitu \$28.00, kerbau seekor, beras lima puluh, sebuah kitab suci Al-Quran. Kainputih sekabong dan sebilah pisau jenis besi KAWI.

- Bagi orang yang titah ada sukunya sendiri ditempat itu, (kaum keluarganya) hendaklah mereka itu terus sahaja memasuki atau memakai Tua atau Lembaganya yang sedia ada di situ.
- Bagi mereka-mereka yang tiada bersuku hendaklah mereka itu mencari Tua atau MEREKAP kepada Datuk-datuk Pembesar Balai YAM, Tunku Besar Tampin ataupun boleh juga menumpang Tua atau MEREKAP kepada Datuk-datuk Lembaga yang ada di dalam kampungnya itu.
- Peranan orang-orang semenda pula hendaklah bekerjasama dan mematuhi apa-apa tugas yang diamanahkan oleh orang tempat semendanya itu.

WABILLAHITAUFIKWALHIDAYAH, maka dengan persetujuan dan berkebulatan serta telah diperkenankan oleh Yang Amat Mulia Tunku Besar Tampin maka berjalanlah kuat kuasa peraturan ini mengikut tarikh yang telah dinyatakan.

Termaktub pada 16hb Mac 1980,
Bersamaan 28, Rabiulakhir 1400Sh;
Di Balai YAM, Tunku Besar Tampin.N.S.

Diperkenankan Oleh:

.....

Untuk simpanan kepada:-

1. Dato' Penghulu Pesaka.
(Di dalam Wilayah Tunku Besar Tampin)
2. Semua Datuk-Datuk Lembaga yang berkenaan.
3. Al-Fadil Tuan Kadzi Daerah Tampin.
4. Al-Fadil Tuan-tuan Pegawai (IMAM) masjid.
5. Pembesar-pembesar Balai YAM, Tunku Besar Tampin.
6. Tua Dagang (bagi Kampung Keru).



Pengisytiharan Lantikan Dato' Penghulu Pesaka Keru

1. Tarikhnya pada 29hb Julai 1979 (Ahad) bersamaan 5 hari bulan Ramadan 1399 SH, pukul 10.25 Pagi.
2. Yang hadir menyaksikan:
 - a) Yam, Tunku Besar Tampin.
 - b) YB. Tuan Setia Usaha Dewan Keadilan & Undang N.S.
 - c) Dato' Penghulu Pesaka Tampin Tengah.
 - d) Dato' Penghulu Pesaka Pondo (Tebong).
 - e) Dato' Penghulu Pesaka Repah (Udzur).
 - f) Datuk-datuk Lembaga Suku Kampung Keru.
 - g) Bakal Tua Dagang Kampung Keru.
 - h) YM. Syed Bidin (Syed Boyak) dan keluarganya.
 - i) Tengku Imam Keru.
 - j) Setia Raja (Harun).
 - k) YM. Tuan Imam Masjid Pondo (Tebong).
3. YAM. Tunku Besar Tampin mengucapkan selamat datang dan berbanyak-banyak terima kasih di atas kehadiran sama Tuan Setia Usaha Dewan Keadilan & Undang N.S. serta Dato' Penghulu Pesaka Tampin Tengah dan Tebong juga Kepada sekalian yang hadir pada pagi ini.
4. Sebelum Pengisytiharan Lantikan ini diumumkan YAM, Tunku Besar Tampin telah bertitah:-

Patah Tumbuh Hilang Berganti

Kata-kata Pepatah dalam merpatih yang telah direka serta disusun oleh Pujangga-Pujangga kita di zaman purbakala yang sering kali digunakan oleh orang-orang kita yang menganut "Adat Perpatih" adalah rekaan dan susun yang terbitnya dari kebijaksanaan dan kepintaran Pujangga-Pujangga kita. Pepatah-pepatah yang telah di reka serta di susun itu adalah sangat-sangat cantik serta indah dan molek.

Salah satu daripada banyak-banyak Pepatah yang mereka reka dan susun ialah Patah Tumbuh Hilang Berganti. Pepatah ini adalah ditunjukkan kepada Pesaka Adat Rangkaian Pepatah ini kalau digunakan sebagai serangkai adalah bermakna "mengekal".

Mengikut peredaran zaman maka saya anggap adalah perlu kita memahami tafsir Patah Tumbuh Hilang Berganti ini. Serangkai Pepatah ini kalau digunakan pada 'Luak' adalah bermakna 'mengekal' dan kalau diambil pada segi 'Alam' pula adalah mempunyai makna yang serupa.

Bagi orang-orang merpatih di dalam Wilayah saya adalah perlu memahami implikasi Patah Tumbuh Hilang Berganti seluas-luasnya untuk melicinkan lahi pentadbiran 'adat di dalam Wilayah Tampin'.

Apa yang perlu difahamkan ialah seperti berikut:-

Pepatah 'Patah Tumbuh Hilang Berganti' ini perlu dipecahkan dua daripada rangkaiannya. Apabila telah kita pecahkan dua rangkaian, maka dapatlah kita seperti berikut:-

- a) Patah Tumbuh.
- b) Hilang Berganti.

Bilakah masanya timbul pepatah 'Patah Tumbuh':-

Timbulnya Patah Tumbuh ialah bila ada kematian, bila timbul soal cacat seperti Tuli, Buta, Gila, Nyanyuk pendek kata cacat anggota pada segi adat.

Bilakah pula timbulnya soal 'Hilang Berganti'

Timbulnya Hilang Berganti ialah bila ada pemecatan disebabkan oleh Derhaka atau di pendamkan Pesaka Adat atau dicabut mati dialih layu.

Di sisi kalau kita renungkan makna pepatah tersebut di atas itu maka kita dapati bahawa:-

Patah tumbuh hilang itu tidak meliputi Hilang Berganti di dalam luak dan juga kita dapati juga bahawa Hilang Berganti itu tidak meliputi Patah Tumbuh di dalam luak.

Maka apakah pula implikasinya Patah Tumbuh Hilang Berganti di segi Alam? Implikasinya pada segi alam ialah Patah Tumbuh adalah meliputi Hilang Berganti dan Hilang Berganti adalah pula meliputi Patah Tumbuh. Kalau digunakan rangkaian Patah Hilang Berganti pada alam maka bermaknalah 'mengekal Pesaka Adat'.

Maka begitu jugalah sekiranya kalau digunakan rangkaian 'Patah Tumbuh Hilang Berganti' pada segi luak. Akan tetapi apabila dipecahkan pepatah 'Patah Tumbuh Hilang Berganti' itu pada segi Luak maka Implikasi atau makna kedua-dua pecahan masing-masing memberikan tafsir yang agak berlainan yang perlu kita fahami. Kalau patah apakah langkah yang perlu diambil? Kalau hilang apakah pula langkahnya yang perlu di ambil? Bilakah masanya boleh kita menggunakan Patah dan bilakah pula masanya boleh kita menggunakan Hilang berganti. Perlu kita perhatikan di sini bahawa Patah dan Hilang adalah kedua-duanya membawa kepada jalan memperkekalkan Pesaka adat.

5. Perlu kita perhatikan di sini bahawa 'Patah dan Hilang' adalah kedua-duanya membawa kita kepada Jalan Memperkekalkan Pesaka Adat oleh itu:-

"Pesaka dengan rasminya saya memperkenankan Lantikan Dato' Penghulu Pesaka Keru kepada Encik Nayan bin Salleh, K/P 0235732, Batu 5 ½ kampung Keru, Tampin N.S, setelah mendapatkan kebulatan daripada sekalian waris-waris Suku Biduanda Jati Keru".

"Bahawa Patah dan Hilang dari waris-waris Suku Tiga Batu Cenago itu kerana penderhakaannya sendiri tidak amanah mengurniakan yang telah di kueniakan oleh Al- Marhum Syed Shasaban dan penderhakaan kata-kata biadapnya terhadap kepada YAM, Tunku Besar Tampin itu, bahawa dengan ini YAM, Tunku Besar Tampin telah memendamkan gelaran Pesaka Adat itu daripadanya.

Majlis ditamatkan pada pukul 11.10 pagi dengan bacaan doa oleh Tuan Imam Masjid Pondoï (Tebong).

Diperkenankan oleh:

.....

Termaktub pada:

29hb Julai 1979.

Di balai Tunku Besar Tampin.

Tampin N. Sembilan.



Peringatan Perundingan Datuk-Datuk Lembaga Dan Dato'- Dato' Penghulu Pesaka Di Balai YAM, Tunku Besar Tampin, N. Sembilan.

1. Perundingan dimulakan pada pukul 9.30 pagi di Balai YAM, Tunku Besar Tampin, pada 24hb Jun 1979 bersamaan hari ahad.
2. Kehadiran ialah:
 - Yam, Tunku Besar Tampin.
 - Dato' Penghulu Pesaka Tampin Tengah.
 - Dato' Penghulu Pesaka Tebong (Pondoi).
 - Dato' Penghulu Pesaka Repah (Uzur).
 - Dato' Penghulu Pesaka Keru (Dikosongkan)
 - Datuk-datuk Lembaga yang bersuku di Kampung KERu.
 - Tengku Imam Keru (Syed Abu)
 - Wakil-wakil orang Dagang Kampung Keru.
 - Datuk Setia Raja (Harun).
3. YAM, Tunku Tampin mengucapkan selamat datang dan terima kasih di atas kesampaian Dato'- Dato' Penghulu Pesaka Tampin Tengah dan TEbong juga kepada sekalian Datuk-datuk Lembaga juga wakil-wakil yang lain yang hadir pada pagi ini, Dato' Penghulu Pesaka Repah tidak dapat hadir kerana uzur.
4. YAM, Tunku Besar menerangkan adalah tujuan diadakan Perundingan pada pagi ini ialah ada 2 perkara penting iaitu berkenaan orang-orang Dagang di kampung Keru dan berkenaan Dato' Penghulu Pesaka Keru.
 - a) Orang-orang Dagang di Kampung Keru:

Yam, Tunku Besar Tampin menerangkan ramai orang-orang dagang telah tinggal tetap di kampung Keru tempat kediaman yang kekal, yang menyusahkan mereka ialah apabila hendak membuat kenduri nikah kahwin dan kematian tiada tempat yang ia hendak dibuat ketuanya, walaupun mereka itu dibenarkan masuk merekap pada mana-mana suku yang telah sedia ada di kampung itu. Tambahan pula ketiadaan tempat tinggal yang tetap Dato' Penghulu Pesaka Keru, untuk dirundingkan perkara tersebut. YAM Tunku Besar Tampin mencadangkan hendak membuat seorang Ketua Dagang yang boleh mengatasi perkara-perkara yang merunsingkannya itu, Tua Dagang ini adalah di bawah Pandangan Dato' Penghulu Pesaka Keru sendiri.

Hak-Hak Kuasa Yang Boleh Di Jalankan Ialah:

1. Berkahwin bebas antara suku Dagang.
2. Tanah hak milik mereka akan tidak diiktirafkan sebagai tanah-tanah Pesaka. Dari itu penjualan beli tanah-tanah itu tidak ada sekatan.

3. Orang Dagang yang baru datang ke Keru hendak masuk ke dalam Suku Dagang yang ada mengikut peraturan mereka dalam suku itu.
4. Untuk menjalankan hal Adat Istiadat Perkahwinan samalah juga peraturannya dengan Lembaga-lembaga yang lain, mengikut carian (7) Bahagian (A) Wang Adat Perkahwinan No: (7) dalam ITB Tampin 1/73 bertarikh pada 1.2.1973.
5. Sentiasa bekerjasama dan tolong –menolong dengan Datuk-Datuk Lembaga yang lain supaya Adat Istiadat dan Masyarakat setempat berkeadaan baik dan sempurna. Setelah dibincangkan dengan panjang dan lebarnya maka telah dapat dipersetujui bersama-sama dengan wakil orang Dagang Kampung Keru melantik Encik Ya'akob bin Redzali menjadi Tua Dagang bagi Kampung Keru. Pengesahannya akan dibawa pada pengetahuan Dato' Penghulu Pesaka Keru untuk menyembahkan ke bawah Khaus YAM, Tunku Besar Tampin kelak.

b) Berkenaan Dato' Penghulu Pesaka Keru

1. YAM Tunku Besar Tampin telah menerangkan yang keingkaran Penghulu Jani bin Harun dari Suku Tiga Batu supaya tinggal tetap dan membuat rumah keidaman di kampung Keru tempat ia menyandangkan Pesaka itu, banyak kata-kata helah yang di katakannya enggan menuntut titah Tunku, lebih daripada 4 tahun sudah Tunku menunggu dan waris-warisnya berdiam diri juga tidak mahu mengambil berat titah Tunku itu. Tambahan pula dari katanya yang akhir kepada YAM, Tunku Besar Tampin menyatakan "ia tidak sanggup pindah diam di Keru, untuk sehari dua boleh". YAM Tunku Besar Tampin memandangkan katanya itu satu perkara biadab dan menderhaka tidak patut dikeluarkan sedemikian kata, YAM Tunku Besar Tampin sangat-sangat murka dan terus memecat ia dari menyandang Pesakanya itu dan akan mengisytiharkan pemecatannya itu pada 8.7.1979 bersama-sama dengan Tuan Pegawai Daerah tampin dan Tuan Setia Usaha, Dewan Keadilan & Undang N.S.
2. YAM Tunku Besar Tampin menitahkan kepada Datuk Lembaga Waris Perut Suku Biduanda Asal Keru supaya dapat mengumpulkan anak-anak buah mereka bagi menentukan seorang Dato' Penghulu Pesaka Keru dan dapat pula menyembahkannya pada 8.7.1979 itu juga.

c) Lain-lain hal:

1. Penentuan Pemakaian adat di Keru dan melaksanakannya sekali hendaklah sama dan mengikut apa yang telah diadatkan.
2. Menentukan wang bayaran: Upah Nikah Register dan Fan Masjid seperti berikut:
 - Register..... \$5.00
 - Upah Nikah..... \$6.00
 - Saksi..... \$7.00

- Fan Masjid..... \$2.00
3. Masa hari langsung apabila Majlis Berarak kedua hendaklah memakai Pakaian Kebangsaan (Baju Melayu) tidak boleh pakai cara Barat.
 4. Bayaran adat Pemegang Pengantin dan adat Ambat Pintu, hendaklah dibuat cara kebijaksanaan Tua Lembaganya mengikut kerja yang dibuatnya, timbangan kadar \$6.00 bagi Pemegang Pengantin dan \$4.00 bagi Ambat Pintu.
 5. Tua Dagang akan diberikan salinan peraturan Adat yang telah diadatkan di dalam Wilayah Yam Tunku Besar Tampin.

Perundingan ditangguhkan pada pukul 11 ½ pagi dengan Jamuan The.

Diperkenalkan oleh:

.....

Termaktub pada:

24hb Jun 1979.


Di Balai Tunku Besar Tampin.

Tampin N.S.

S.K.

1. Tuan setiausaha, Dewan Keadilan & Undang N.S.
2. Tuan Pegawai Daerah Tampin N.S
3. Dato' – Dato' Penghulu Pesaka: (Tampin Tengah, Repah, Keru dan Tabong)
4. Dato' Lembaga Suku Kampung Keru.
5. Tua Dagang Kampung Keru.
6. Tengku Imam Keru (Syed Abu).
7. Setia Raja (Harun).

SAHSIAH DAN TELAPAKAN
WARIS SUKU BIDUANDA KERU (JATI)



1. Telapakannya ini ialah di kampung Dusun. (Tanah Pesaka Turun Menurun).
2. Sahsiah dan Telapakan Waris Suku Biduanda KERu (Jati) ini telah dapat dikumpulkan dan disampaikan untuk pengetahuan anak-anak buah pada masa yang akan datang oleh Embong bt. Badar dan Nayan bin Silin mereka ini ialah Waris Jati Suku Biduanda Keru yang sebenarnya.
3. Akhirnya Patik-patik sekalian daripada Waris Suku Biduanda KERu (Jati) memohonkan setinggi-tinggi penghargaan kepada Tunku supaya memperkenalkan pengambilan semula Pesaka Gelaran Penghulu itu kepada tempatnya semula. Setelah dipangku oleh Suku Tiga Batu itu Tujuh Keturunan sudah.

Ampun Tunku beribu-ribu ampun sembah patik harap di ampun.
Bertarikh pada : 1hb Mac 1975.

Patik-Patik yang benar:

.....
(Embong bte. Badar)
Waris Perut Darat

.....
(Bedah bt. Badar)
Waris Perut Ulu

.....
(Nayan bin Silin)
Waris Perut Hilir.

Direstui oleh:

.....